

文282665
45



研堂詩稿

花外散吟附

序

詩盛於唐，李杜為宗，人知之矣。虛知誣之原

三百篇而下，魏晉作者林立，淵明、阮籍、何遜、惟

其真也。真本性情，流露不藉文辭，粉飾。唐、白、樂

天、真、人、誠、實、洞、達、故、作、詩、多、率、其、真。宋、蘇、長、公

素、最、樂、天、昔、七、效、之、而、白、有、效、陶、潛、體、詩、蘇、有

和、陶、集、是、知、兩、公、皆、從、其、性、之、所、近、而、舉、心、於

陶、者、也。後、之、人、非、性、不、漓、而、情、無、偽、者、安、能、望

研堂詩稿

尚序

其涯涘而窺其閫奧與思陵研堂楊君向望京
師予神交者有季矣比佐魏江左以分校尋其
學顥卷旣薦復絀研堂敦古遺命顥來謁予且
出研堂稿見示予始得讀其詩而知其心蓋達
夔知命任真之君子也故發爲詩歌清機妙理
大雅博物要歸於真呂視香山玉局境墜不同
而襟懷剗一晚更無意當並省曠自怡始駸上
乎五柳之高風矣空其詩之不沾匕規撫一家
而氣味有异三家適合者與今歲予將呂老疾
去顥復來視予旣又請曰家君誣异後輯成若
千卷敢乞先生一言以爲序予雖不能詩而未
嘗不知詩人之性情故雖未覲研堂而旣讀其
詩知其誣之真卽知研堂之性情矣曰推其性
之所近而次第其語呂歸之康熙庚子穉七月
初吉宛平古愚老人趙東旭琴題

舊序一

自予之去常州而常州諸子之詩爲極盛大抵非及吾門即多吾故人子弟楊子地臣其一也今年春余到常州地臣錄其近詩請益於余余何以益地臣哉兩年以來蘇松憲府史容齋先生闢講學之席於城西書院辟予主其席詩業頗荒夫詩業之荒正講學之業荒也何也詩之爲教所以貫串六經根本性情之物也是故周禮大師之職掌教六詩小師之職掌諷誦詩古以詩教即以詩學子夏因論詩而知學子貢因論學而知詩夫

詩上之學無時而不見而我有不見之時學中之詩無
時而不聞而我有不聞之時非離乎學以爲詩即泥乎
詩以爲學其業日勤其荒日甚真能爲詩者必原乎詩
之所以然關係五際調劑六情道有相資理歸一致孔
穎達曰感天地動鬼神莫近乎詩詩之爲利也博而其
爲見見聞聞也精矣地臣曩在乃祖青巖大叅公膝上
含飴嚼字景陽之錦一匹佐公之管青鏤爲大叅公所
鍾愛十三升博士之堂稍長對大廷之問吾見其人吾
聞其語金聲玉色周情孔思放而之於四始六義唐虞
以來只此賡歌左契二南而降無非律呂交盤但涉其
粗跡則荷蓑荷笠或寢或訛而知其解者則我泉我池
我陵我阿矣知地臣之世其詩學也久然則詩固吾儒
不可一日而荒也願相與勗而進之康熙丙子春三月
虞山八十五翁錢陸燦書

題辭

初夏晤楊子地臣兼讀其詩喜而有作

老似殘春嬾似雲閉門人跡靜無聞一朝客到
真佳士十載心期識有君雪在詩中飛作片波
生字裏自成文於今華國須才日此去知空冀
北群

小園飲餞地臣即用留別韻賦贈

攜雲穿磴喜相過野鳥呼林似作歌山入小窻

是齋
皆石友松吟遠籟起風婆拏煙弄水塵心靜別
港移舟爽氣多三斗村醪能醉客當杯不醉欲
如何

坐中有客是文星詩裏開山勝五丁寫出千秋
無假借收來萬卷有餘零逸情慣向閒中得倦
眼偏於冷處醒飲罷灘頭人欲去夕陽恰照一
峯青

平原柳村老人董訥

研堂詩目錄

卷之一 存管集

古今體詩五十五首

卷之二 存管集

古今體詩七十六首

卷之三 存管集

古今體詩五十三首

卷之四 存管集

律陶詩二十五首

附贈言
四首

已上第一冊

卷之五 括囊集

古今體詩六十四首

卷之六 飴庭集

古今體詩四十二首

卷之七 琴餘集

古今體詩二十七首

卷之八 南邱佃漁集

古今體詩三十五首

卷之九 復醉集

古今體詩四十六首 附聯句四首

卷之十 復醉集

古今體詩三十六首 附聯句一首

附贈言各體二十五首 已上第二冊

續彙

卷之一 澹香池上集

古今體詩六十二首 聯句摘附

卷之二 提扶集

古今體詩八十七首 附和韻十四首 聯句一首

附贈言各體四首

已上第三冊

晚橐

內和陶凡二十四首

卷之一 栖雲集

古今體詩四十八首

附和韻一首

卷之二 碧天池上集

古今體詩八十九首

附分韻二首
聯句一首

拾遺二十四首

附贈言各體四十首

已上第四冊

苑外散吟古今體詩二百九十六首

附詩贈言聯句
各體二十首

贈定安學長先生八十壽序

昔陶靖節先生不樂以心為形役今彭澤不數旬輒
賦歸去來辭遂其高卧羲皇舒嘯東臯之志有唐天
寶中白傅樂天則又乞身強健退居十有五年日與
其朋友元劉諸公飲酒賦詩盡山水園池之勝迄今
讀其醉吟先生傳及池上篇冲淡閑逸世故不櫻於
心故從容耆壽晚乃與胡吉鄭劉盧張等六賢於履
道坊合成尚齒會有七人五百七十歲之句又有洛
陽遺老李元爽歸洛僧如滿亦來斯會好事者繪為

九老之圖以垂不朽至宋陳搏希夷隱華山辭太宗
之召林逋和靖隱孤山詔聘未及若眉山蘇氏長公
東坡次公樂城初雖羈縻翰苑卒乃辭歸田野與晁
無咎秦少游陳季常諸君詩酒往還時有蘓門六君
子之目又得方外了元有太平時代自由身之句而
蘓氏二昆皆得壽考廼知自由身者得壽之根也此
數公者皆高懷散朗脫造化之韁解利名之紐故能
坐致期頤視世之馳逐腥羶浮沉苟得末由企其芳
躅矣乃有生同里閨業同志同而糝糠塵務養性愛
閒可以追蹤昔賢者則

定安先生是先生跌宕詞場自少即以詩文播海內
當代知名士咸願與之交願雖掛名選人而性安恬
適見趨走榮利者筋骨勞攘形骸憔悴起居動息俱
不得自由每目笑之因絕意進取以飲酒賦詩聚天
倫之樂為自喻適志居常杜門却掃足跡不出戶庭
惟擁書萬卷彈琴一曲與二三知己栖遲泉石商榷
古今蓋已蟬蛻濁穢不受一切牢籠乃能收拾身心
都無拘縛予與先生交最久先生故饒竹林茂樹池

館亭臺堪與履道坊相甲又平生雅慕香山曩嘗與
諸同人聯醉吟之社予亦得附後塵而相知尤密見
先生詩文皆自真性情流露洋溢楮墨間若素堂偶
筆研堂詩稿俟後編諸集曾不揣踈陋為序而行之
竊願如平泉客皇甫明之輩共香山長謝人間事為
汗漫遊耳乃俗緣相迫誤落塵網與先生睽隔一十
六年雖株守寒窗差無案牘簿書之鞅掌然一官匏
繫常恨不得自由閒時偃卧蕭齋咏靖節歸田園之
什默而內慚因追念昔日坐花國登硯堂分題角韻

酒酣以往獨羨先生長有物外逍遙之趣予少先生
六歲迨予投老歸閒而先生春秋八十矣予既與先
生夙稱莫逆值諸戚族躋堂介壽又幸予得解組故
人重晤握手歡然其可無一言以侑之乎惟先生清
虛靜泰外物以累心不存神氣以醇白獨著無意於
養生而思慮凝悶平粹真純固有上壽得諸自然之
理且晉之陶徵士唐之白太傅宋之蘓長公次公俱
略受羈羈出而後悔而先生獨未嘗一日屑褻章服
拜上官作塵容俗狀若與希夷和靖相似則其曠情

達識較昔人何如而一畝之宅五畝之園長歌散懷
舉杯嘯傲即以追配樂天詎有惡哉今先生耳目如
舊神明不衰蘭玉在庭琴樽在御而予以數十季老
友亦喜得以無事之身復晨夕過從少補一十六年
之契濶先生尚其小住數十年以其益壽延齡之術
授我也昔

乾隆十年乙丑中秋後五日同學弟呂廷鵬拜撰

研堂詩卷一

沈德潛題

毗陵 楊 維坤 地臣

存管集

登君山有懷席帽霞客二山人 并引

乙亥陽月四郡同人江上讌集命題限五古予追
用坡公巫山三十九韻以應

君山最高頂石迹嵐層起勁風息晴和寒林轉蔥翠古
亭景物移丹樓結構偉吾性好遊鬱居便不遂出則
屐齒折往往到幽邃巉崖豈心驚洪濤何病悸常羨蘇

子由山川廣志氣此地非絕磴快聽江聲沸漁師膽如
鐵觸浪曾無畏浮沉慨中流稅駕當素位決昔渺世界
開曾羅葑史緬彼楚春申傳誦良有以上客躡明珠下
陳貫文帔身沒勢亦盡山魃哀其意曠代生逸民束帛
招不至富貴草頭露何須以身試席帽標奇峰犁耨詎
相類鴻飛入吳淞鶴和攜童穉規地號最閒灌園心稱
是壙銘自爲製百歲如寄爾府掾輕於毛泥塗寧曳尾
今生戰國時眼底無趙使長恨愛兩朝那願畱名字黍
離故墟悲梧谿詩卷記寂寂二百年孤蹤續徐子徐子

縱遊人往復如織綺忍飢冒叢箐力疾廢懸緹賭命按
龍湫罡風了無忌栖巖麋鹿繞採藥煙雲膩岷源陋蠡
測冥按得精髓水脈及山經清談沁人胃仙槎駕鑿空
佛灑叅拽鼻自謂老布衣小隱傲朝市而復念故人據
牀嘻矣憊絕域歸考終未聞歎折辭周遮兩軼事傾耳
共興喟飛槍任逍遙塵網挾名利谷神何有鄉長生亦
敝屣弋釣儘爲娛庶幾樂忘死

次韻奉酬諸公垂示之作

并引

歲在旃蒙淵獻長至前五日乃余三表之辰自笑

鬚顛如戟世味泊然每欲走五嶽周四游而足裹
不葺矣勉赴蓉江科錄是日正在風檐旣歸吾友
道柔陳子首賜瑤章諸同人繼聲迭和積成卷帙
激揚獎借殊媿非分依韻率成二律以銘百朋之
感云爾

三十年來汨俗塵身宮磨蠍我生辰一陽葭琯催過客
四海萍蹤媿實賓窘步却思還故轍夢遊何處出迷津
螢乾蠹老空愁坐且作看山踏雪人
任他長轡絕奔塵寂守荒齋不記辰執戟浪傳揚子宅

埽花時駐杜家賓愛看麋鹿能忘世怕向星霜罷問津
甲子從今已過半殘編旋見白頭人

歲暮雜感用虞山錢湘靈先生韻效長慶放言
五首

一望寒雲縵雪天掩關荏苒度殘年團圓喜進先生饌
嬾惰甘辭弟子員便是閒談齊物論也堪驚散野狐禪
蜀箋著句人來進白眼臨風意欲僊

離羣一日抵三秋鶴氅蹣跚訪戴遊埽盪新愁欣促軻
掀翻舊話怕從頭豹韜滿載東南箭糖餌空垂十五鉤

有羨封侯投筆去短衣匹馬唱涼州
滿項髭鬚笑一漙王癡未老奈愁何漫誇浩氣曾吞澤
難說狂瀾手障河相扇浮虛傳晉俗誰標幽素中唐科
鹽車縛輓今猶昔觸處蠶叢鳥道多

旅食崢嶸幾度春江城又是一番新幽居空谷誰知己
入社香山豈後身莫怪放顛忘露頂只緣乞巧厭搖脣
腐儒欲學逢迎術未面先愁笑裏嗔

回首吾降早挂弧鄧林偃息歎非夫蜨飛半榻莊生寢
湖泛扁舟范蠡圖五白盧疇非角勝百川鯨吸好重沽

登場傀儡紛紛是賸我長歌一事無

乙亥除夕和靈

點檢詩瓢付火騰呬唔卒歲似癡蠅黃門此日喧侘子
白社無人賞阿菱晚食自堪當鼎肉春遊何待駕鈎膺
上關酒放兼書癖勤撥尊前徹曉鐙

丙子元日立春同道柔起句步韻四首

今年又遇歲朝春故國遨宴樂事新花甲老親需橘酒

受辛荆婦賴梳仁

婦近多病

盈盤釘栗羣雛喜絕塞搬糧勺

水珍

聞運米塞上者致水甚艱

聞道詞臣嫺武事蕭蕭沙草映垂銀

今年又遇歲朝春恰好循環十二辰震索蒼筤堪象勺

起兒甲子生

陽回黍谷屢看顰

恩詔如乙丑故事

不須坐肺營皋祀是處

操蹠御香神感激

聖朝多盛事中原綠駟待秦馭

傳聞

廣額

百七十五年古春回豈未出向志贈四首

今年又遇歲朝春萬里乾坤放眼新史紀自今多歲有

曆通蒙古定時真

新曆載蒙古太陽出入

版圖入貢光天日帶甲開

邊匝地塵矯首羽書頻獻捷檻車殘馘鬼為鄰

宣武十

今年又遇歲朝春雲靄寅賓氣象新自覺口中無石闕

不知門外有車鄰彈冠北鴈來除夕

得立素京邸書

廣坐東園趁

好辰

約人日雅集

斥鷃枋榆紛鼓舌如蘭原屬素心人

正月五日遂初堂小集用靖節遊斜川起句兼

步原韻與吳道巖諸公

開歲倏五日入林幾人休有客不速至箕踞松下遊雖

乏列侯鯖頗諧靜者流臨池和香麝縑素懷盟鷗棄捐

四方志恣意營糟邱邈若登太行王喬為我儔玉醪傾

輒盡海棗私相酬笑問世上人生年滿百不春融凍已

釋放舟復何憂去去花溪處蹤迹不可求

二月八日鄒天復招同諸公舉浣花會并餞湘

靈先生還虞山芋莊胡子赴江上次錢韻二首

浣花久矣鬪名花吹動陽春鄒行家詩伯有神回造化

錢有祠山風雨為吾差句

酒兵無敵敢周遮淡杯又犯葑番戒半醒方

思昨話差偶許瀛洲分一席

座中得十八人

錯疑同調入紅牙

錢鏗飛渡赴長春胡杲尋盟及此辰草聖共歡頭脫帽

花枝雙照鬢垂銀別筵計路翻相近

澄江至虞山計程止一日

傳簡杼

懷定幾巡櫻筍輕颿應趣餉瓊瑤早已播芳脣

錢先生來毗陵示諸

同人各有詩予亦承教

送道柔與其徒北遊

與君耕研春復春掉辭結客遊重闈葑葑花發同就道

今季鵬徙難為鄰五戰棘圍屢蹭蹬兩番京邸潛悲辛

饑鷹折翼向人叫老馬伏櫪安能馴惟君干鎔燄如電

康莊贈策雷與陳攫空蛟龍不可測下筆風雨誠有神

蘇黃妙手世誰似伊洛的派師傳真儒者氣象鬱年少

謫僊標格疑前身燕山紫桂通天闕努力秋風撥月窟

市屠壯夫儻問君道坤今卧南山雲

寄懷董立素三首用友人韻

昔年同旅食日日問歸程香思江南酒風寒冀北城天

池今暫息瑞木向能平桃李成蹊處誰憐松柏情

分攜十望月嬾惰數行書世事隨鴻去先巢守燕居齋中

舊額 羈懷春雨夜振翮朝風餘應惜明珠炯時牽寢裏裾

從妹適立素無祿
早世遺子七齡矣

甥兮云似舅丈也亦吾師少壯心相贈炎涼客倍知史

魚歌抱玉司馬賦靡旗總是浮雲過長空一任斲

鄒子天復白子公榮過花國小齋看牡丹再疊

浣花韻紀事

花國先開穀雨花韶光偏媚墊人家烘脂日暈三分醉

舞翠風搖半面遮客路黃梅今歲早憶及人北
征遇雨 故園青筍

舊季筌自記
客燕 偷閒約伴供麤糲滋味何堪入易牙

瓊枝且倩挽歸春鷗侶鶯朋集好辰看到夏闌思入畫

移來月影色如銀卧遊五嶽無窮興立飲千尊不記巡

誰羨豐臺誇勝賞性耽野菽傲猩脣

訪菊同潘長卿陳道柔作

秋草欲死霜威寒秋花不落長耐看安仁秋興頗爛熳

竝拉仲舉追清歡三人連袂出東郭罡風陣陣如崩湍

市上餅餌且大嚼熊蹯豹胎豈我餐斗室坐語日移晷

窮覽恨不身生翰願得健步衆香國周遭萬點黃金攢
有酒不嫌五斗滿席地時尚雙靸盤墊景直率愜幽意
水光澹沲供遐觀歸路行歌愒中斷憶北試諸兄弟仰見北鴈霜
天漫羽衣幻化夜入夢欲學髯老慚才難

郊外看菊摘數枝以歸拈采菊二字爲韻

行樂欲無時秋容歛已改楓落赤城標稻起玉山壘
底新折枝籬邊舊蓓蕾世事比霜華崇朝盡采采
老圃大居奇卅錢幾朶菊吾意不在多言歡豈云獨對
此綠蟻浮况有紫螯熟爛醉便長年何須問甘谷

齋中牡丹盛開同學七人小集得檻字

繁英發空庭好爰祛共摻沉香人已遐竹林興不減燒
鐺爛筍尖炊餅廢豆俗用花瓣作餅甚佳躑詩柄起清平觴政輒蹇

嶮卜晝坐晴窗朝來日復黯花愁宿雨摧春恨陰雲壓
小年可更長餘暉斜過檻

雨中集學人春暉堂以祇應與朋好風雨亦來
過分賦得風字

盍簪著大易雜佩歌國風吾輩非燕朋社酒開心聳蒼
翁何惱人春色偏寢寢葺夜我送春微暉帶煙籠徐陵

高會頻舊雨慙疎慵

余失約者再矣

浮生幸得閒出門洵有功合

錦摘麗藻催花怨嘯紅家珍恣清賞奇情寄盤中杏酪

味玄澹青精氣冲融陶然疑身輕恍接瑤華宮劉伶浪

得名頌德何曾工漁父溷舖歡反騷誰似雄興闌雨未

闌散步窺鴻濛療熱有蔗漿寒芳入蘭叢窗畔數竿竹

畱客聲淪淪

歲暮雜感四首同道柔賦

浮生鹿鹿歎馳駒姹女黃婆力已駑豈為宿醒常病齒

終無靈藥療荒鬚衝寒未覺貂蟬煖索饌差堪繪腹腴

壯不如人焉待老十季弄蹈宋人愚

敢云佞佛敢邀天到處隨緣學老禪一粒分甘憐赤骨

偶至迎春橋左見淮揚災民十餘人人給以斗米

數行持贈品青蓮

有僧索余扁聯

儒宗外教同

難了昨是今非盡惘然改歲放舟靈鄧路梅花叢裏且

盤旋

庭葩欄藥又槎枒隔歲春光七日賒紅子已隨寒雀盡

綠華將赴景風斜簾鉤空偃嗔奴嬾書幌塵封笑我差

聊整丰儀還自媿二毛早見古興嗟

高鳶翫兔總爭先放浪偏餘我輩賢屈指聯吟纔一瞬

蹉跎故里又三年

舟賦在乙亥冬杪

庸才輒敢偷觀海壯志誰教

利涉川擬向衡陽悵猶豫湘靈應笑汝無緣

欲遊楚未果

上元後一日招毛行九莊雲襄陳道柔吳道巖

徐翔念孫筠庭龔衛少方拱樞徐學人過遂初

堂小集限以己姓結韻各賦二首

考槃株守遂初堂謾說藍田有輞莊畱得寒香非畫錦

還乘火樹惜春光耶筒酌淺情何厭梓澤詩成漏未長

著屐渾無軒冕意比來我及最清狂

連朝風雨卧藜牀記起卉春翰墨場分韻頻拈工部句

知交每憶阿翁行

謂江上虞山諸先生

圖開一幘飛空翠帖用雙鉤

搨硬黃安分也堪歌種豆何須狗監進長楊

春雨

遙同長卿諸公作

飢龍初欲起凍雨未曾休臘雪畱餘液黃梅俗一籌幽

閨誰覺曉估客謾驚秋但許吟為遣難禁聽更愁幻中

蒼狗現天際玉虹流潤灑滋瑤草波開狎海鷗陽烏東

帝惜石鷲杞人憂笠澤空長釣芒屨罷遠游花房看脫

甲蘚徑潑成油山寂香廚冷舟閒柳岸稠藍橋窮阮籍

庾嶺寢莊周祇見風飄綫那將月鑠鉤望庚期擣藥停

午趣披裘桑落還嫌薄松明久不收斷頑無劍術默坐
水雲樓

同半緣飲山立堂

爾我忘骸久莫猜烏巾開釀又追陪詩情千首新春好
酒政三巡舊雨來亂骨蘇盤長劍卧落花庾嶺白雲堆
以膠投漆今如古誰道吾家不姓雷

同芋莊道柔筠庭用歐公洛陽牡丹圖韻紀事

西河種與洛陽空植根得所尤矜奇李唐衆愛已如此
今世逸士亦寶之按圖異種訝希有畢竟目餒徒園窺

醉月春又憶咎酒

子家植牡丹處
舊額春又亭

鞞紅梢粉呈新枝郊墊避

舍者無算艸堂十萬增高貴折簡依舊要我爰怪殺風
雨蕭蕭時周遮翠幙怕狼籍晴薰溼醒凝香肥紈綺已
濯任牛馬寓物不畱吾心知擊鉢徵事趁耳熱勿使籠
鳥悠悠馳揚州牧傳洛陽韻我輩不待金魚緋海嶽螳
垤敢伯仲梅妝荆布爭妍媸咄嗟吾道媿妖豔樂哉南
山復奚疑大斗空設浪著句止酒誑語清陰移

戲翻芋莊
道柔句

宮體至今醉人骨他年寵極憎班姬辟塵瑩瑩聯辟出
瓦礫欲上將安施飯顆消瘦嬾無似茶聲午枕驚予私

再鼓不作金谷議晚窗拈弄蠅頭微繁弦促管亂雅樂
大羹玄酒飜澆漓及今賢者惜元化利劍斬截猶可爲
酌花酒盡倩詩代花神爲我扶風衰

過青門邵先生話舊却寄

憶昔侍大父劔立闕題詠客攜五真圖一髯而異境叶
讀書閒垂綸耕塋又禪定竊訝伊何人落落以自命聞
是青門翁道高諠可敬俎豆追葑賢瓜瓞起後勁風雅
絕等倫杜韓是包孕結念二十季神交無使聘先生南
北馳賤子亦蹭蹬客秋寄一編井梧撫藁牘夜光雖暗

投盤籥頗畱心叶低垂迄今秋溯洄漳滹徑云自幕府
歸東軒且攝靜一見能盡言避席實悚聽勿愛西崑詞
勿學工餽飮滔滔看波靡矯矯回風競搖撼百態呈站
足賢堅凝參伍亦從心貧殖乃爲病此語如晨鐘噩寤
忽神醒古道更多儀韓才媿難竝飲我松醪醇飯我雲
子淨見我大小蘇渥洼非面佞示我南山篇驂驪齊角
勝夕陽趣人行月舸乘逸興歸來簡蕪詞聊當白雲贈

秋衾

同人集州
堂分賦

黑甜纔一覺輾轉爾相於送燠情猶薄輸涼寤欲疎蘆

研堂詩卷一
十一
花酸態早繭紙素風餘恰好容秋士橫陳月影虛

九秋吟

并引

分題後一日董子遠公兼賦六題毛子行九補作
秋琴不揣蕪陋次第效顰廣至九章用向金風一

肅

秋雲

盡道奇峰好秋空更巧雲倦飛憐傍我高卧嬾看君慘
澹天爲老沉霾日易曛有時垂大翼斥鷃豈同羣

秋水

撈月何須海浮櫂豈必河微風成錦澌一雨散曼陀冷
澹已盈目溯洄空自多幾人千里合蘭槳數能過

秋樹

柳色從春慢槐陰挾暑驕疎條僊羽化殘葉埜燐燒帶
月情中景凝煙分外饒淮南小山賦乘興亟相招

秋蟲

幽蛩亦何厲白帝釀成之多口渾無賴長吟絮若斯齧
花香剝蝕咽露語新奇最是淡閨裏關情在玉兒

秋茶

乍疑餐落蕊香氣促擊甌尚有棊盤頂還消司馬嗾賓
朋千日醉几案一天秋豈必飛觴好臨風唱莫愁

秋衾

露重迎新爽鐘清起暮愁還思圓木枕莫認小星稠學
士偷三昧山翁占一休故宮銅輦寢誤盡老溫柔

秋琴

萬籟應夷則蕉窗復引商七弦入幽澗十指生微涼靜
嘯非關感移情不用傷依稀見姬孔羞殺舞霓裳

秋花

百卉迎陰斂幽姿遲暮開短枝皆歛露嫵子盡含胎忽
聽逢蠶簧鼓時牽蜨陣來花心爭欲發肯令晚風摧

秋山

薦爽朝朝雨新晴處處泉清暉騰古樹紫翠滴空天籃
輦將陶令書船又米顛袷衣初欲試蠟屐正翛然

蘆墅采菱詞六首

半黃衰柳朶隄鴉枯卷殘荷憊雨鼃偏有一樁乘興事
南湖采月未須賒

菰蘆灣裏艇如梭蟹舍魚莊次第過漫說城南隋港在

青山

郡北郭名

千畝碧沉多

輦刺摘來鮮帶水紫稜烹熟老生香若論品第應無兩
高蕩青黎且漫商

屈家適口口流涎清聖難方水果仙攜得一筐堪廟薦
何須鉅棼大如拳

花開背日露華滋剝實登盤三五時通子阿舒都欲攫
斲然頭角可曾思

鄉風爭值陋如何赤脚沾泥挂短蓑遙憶雲苔谿女豔
夜淡還唱采菱歌

華亭牧堂上人將為燕山五臺之遊過訪艸堂

貽詩索和依韻走筆送之

緇衣偏愛盍纓簪易水滹沱取次揆撒手不提拄杖子

轉頭還唱望江南

仁王閣高僧語

未邀遊屐聲先粟頻扣詩囊筆

已酣我欲就中翻好句滄浪水接百花潭

適見其和滄浪亭詩因翻用少陵句

可航種菜詩

江城八月紫桂叢豪家珠履烹桑鐘金尊玉盃雕玲瓏
清弦急管歌妖童廣場大厦朱簾櫳自詡當世真英雄
惟有幽人趣不同卜築城隅一畝宮隨時潛見安牆東

舫齋寧獨讓歐公
榜書意在浮沉中
終日談謔倚青桐
二三儔侶相磨礪
有時閉戶註魚蟲
笑指中庭學圃翁
雞冠殷紫鴈來紅
埜蒿歷亂麻生蓬
臺陰異種香芎藭
悅目薰心腹不充
何如藝此晚秋菘
作羹滋味疑脯熊
分與夙好情已豐
况乃廬側沽耶筒
點籌糾紛婪尾窮
目送歸燕迎征鴻
忽見缺月張全弓
門環白水碧煙籠
醉吟先生五柳風

研堂詩卷二

毗陵 楊 維坤 地臣

存管集

龍池紀遊十首

從雲亭

傳稱雲從龍
龍飛雲不去
郁紛古刹閒
歷亂松溪處
有時照清泉
矇矓日初曙
碧蘚當路長
落葉飄如絮
中道高築亭
延佇相告語
屏足不來遊
歲月不我恕

羅漢石

怪石幾百季突兀類人狀鍊之堪補天森然自相向高
尚此山中斧鑿離大匠顛倒任所處大璞完無恙不受
秦始燔不博畱侯葬米顛若相遇下拜應呼丈

娑羅樹

上古有椿樹春秋八千歲緬彼深山中往往有靈異鳳
凰鳴高岡梧桐擢雲際遇合能幾時形神早凋敝嘉樹
隱巖阿常恐爲其繼不願朝陽生寧來埜鶴唳

百步梯

少壯良好遊登高將如何不曳筇竹杖安能臨巉峨攜
手共騰躍回首浮雲多孤峰特聳峙一望俱煙蘿鵬徒
九萬里鷓鴣巢庭柯飄飄凌霄志乘風莫蹉跎

金竹岡

綠竹吐奇色珍之如兼金澹黃散雲錦含煙碎層陰遠
眺苦日塞聞聲怖雨侵力疾走林麓矯首遙山岑曠言
裳衣溼始知中谷深嵇阮好清談徙倚空開襟

白雲崖

翹首崔嵬下冥濛不可測非煙亦非塵長空同一色睇
視乃良久彷彿水晶域穹窿倚九霄層折邈無極山任

研堂詩卷二
雲卷舒雲起山頭匿悠悠千載餘此地長畱得

分賓嶺

閩粵多峻嶺茲嶺勢亦長鄉人爲余言中山多豺狼載歌復載笑揚策如康莊澗道坦於砥巖石平於梁鎮物詎云矯達觀自相忘躡垤不躡山禍福豈有常

伏虎石

鉅鹿登講席頑石顛其卉此有一老人猛虎繞邳邊跌坐得上乘高喝凌雲煙虎嘯一聲去驚起潛龍眠龍來復遇虎交叅元中元與子竝三絕共樂羲皇季

望易臺

夸父逐日走渴飲大澤邊不知幾萬里棄杖力憊焉何如登高臺縱目心悠然火精爍赤石流珠耀碧川朝拂扶桑隅夕復沉虞淵四顧發長嘯念彼邱中賢

憑虛閣

高閣百尋餘不用植基址帖石爲棟柱倚樹聊飭庀下臨心戰驚遊者罕俯視桑門悟無生飛錫常棲此凌雲羨鳥翮羈身悲象齒安得松喬術御風靡所止

夜宿僧舍

萬壑響松濤泉聲百丈高那堪驚驟雨長夜聽猿號况
復愁無酒孤眠讀楚騷衆心生恐怖吾意倍麤豪

善權洞

披棘尋幽勝冷然逸思生過風叢竹響背雨一峰晴地
脈初分裂天心自不平

相傳此洞赤烏
年雷雨忽開

洞門聊濯足我意在

蓬瀛

歸棹

書史我曹事幽居費計尋賭碁偏愛謝放鶴癖於林別
鳥蛟龍睡空齋鳥雀吟爲言谿上叟吾已倦登臨

北行舟次廣陵訪高衛公昆仲不遇

桃花片片逐輕塵小汎紅橋憶故人萬里辭家何似我

三季去國爲思親

聞往楚中
省令祖母

琴臺寂寞猊香冷畫棟空虛

燕語頻聞說荊州多勝地瀟湘雲夢莫傷神

過任城望太白樓

峩峩高閣逼城阿詩伯風流此地多遙揣不堪畱俗韻
登臨把酒卻如何

高曾知阿井

何季神工力穿成千尺泉窮源導濟水伏流蔓蜿蜒汲

之和作膠錮疾得療焉歲供例有定典守官無愆管在

高曾時莅事人稱賢子曾大父曾治於邑嗟予此行役懷古追其先

頽垣危狂飈斷碣迷荒煙缺甃半零亂涸轍沉醉眠天

地為轉輪滄海翻桑田廢興藏至理靜悟難言傳

阜城題壁同雲間張子趾肇周子策銘軒三

曉風飄蕩月鉤斜寥落征鞍溼露華憶得亭邊蘭蕊秀

沁涼初放幾枝花

髣髴山崖與水隈花飛絮舞逐塵埃春光一樣江南好

只苦驚飈匝地來

歸過長溝

又名會麟渡即春秋獲麟處

長溝之水清且漣水流不競心悠然月照丹楓千澗落

風翻蒼隼一颿懸往來麟渡渾多事上下龍分各有天

與分水廟接近

遙憶柴門逕如洗松筠雖老尚堪憐

長至月歸自燕都即過虎阜登臨遣興用陳其

年檢討集中韻

騎馬乘船總未歇催季白日倏欲沒長至長晴似小春

出門可廢巾與鞮既脫風塵且縱遊甘心裋褐擦糠粃

不向羸人求五羊一任商君恥六蠲姑蘇景象萬千新

何處強吳故宮闕氣數無端車下轅英雄有盡盤中核
試劒空貽驕悍名堪笑夫差用力搯越入吳疆爾自爲
斗牛何曾有星孛我來弔古恣長嘯法界遠離塵劫罰
逍遙竟上悟石軒緬彼生公逸興發片刻心清便欲僊
釋俗忘形免攻訐泉亭移步後山腰千頃看雲盡飄忽
田家歷落如短堠楓林矗擁疑仗鉞憑高慵去躡天根
俯瞰猶能掇月窟開歲乘春好讀書卜居文室當十笏
再赴都門

關山浩蕩豁卑栖慣聽茅檐午夜雞強飯高堂懷暫遣
牽衣稚子耳頻提原非珠履三千客止帶詩囊一小奚
驢背依然來得得征夫苒路慎無迷

沂州道中遇雪

回首鄉園花事殘春深猶怯客衣單黃茅隔水人家遠
白馬嘶風雪嶺寒曾點襟期何處寄秦人霸業問誰看
同行蒙袂還相失獨自長歌行路難

泰山出雲

渺渺東封天柱支周遭幾許翠嵐移無心一任朝開速
有翼何愁寸合遲背郭平籠新麥色朝陽高拂老梧枝

他時霖雨應如注且耐雲蒸霧結時

吳興師招同項霜田汪文升家次也諸君集飲
席上賦得魚燈二首

白練裁爲質臙脂點欲生魄疑潛兔起神似伏龍行不
作池中物來尋月底盟何時雲雨至飛躍入蓬瀛
誰道春光去元宵此夕重天孫輸織錦道子罷描龍碧
草空明綴青綃澹豔縫令人思結網嘉旨配黃封

曉發潤江

靈風吹不定一棹過重巒旅客江湖老沙鷗天地寬扣
舷歌彼美鼓枻笑彈冠歷盡崎嶇處何愁破浪難

重登北固山悼叔氏美中少叅

昨歲行廚地原爲大阮畱幕中人已沒石上記曾遊鐵
甕層雲裏金山一浪頭仲宣悲短賦何處更依劉

胥江懷古

雙堦隱城郭巍亭峙河濬僭問亭何名萬歲標遊巡長
河代若茲對面今古分吳王醉館娃讜言褒無聞鑄鏤
先浮江爲沼隨與鄰君相兩心事同付流水濱羨彼鴟
夷子避越如避秦至今湖海上風月常思君

更于鷺鷥湖晚眺
至今所到正公民常思
紅流岸樹綠停波
小立遙聞鴉軋過
豈是葑邨歸鳥急
艣聲飄入夕陽多
古今吳王朝前
故壘言說無

觀潮行

長江天塹今古雄
岷源包絡寰區通
淝水湫隘勢尤猛
越山壘翠互其東
峙者靜闢翕逝者
時消息二氣共轉
旋潮汐如嘘吸
八月十八大潮生
鼉吼龍奔怒不平
餘杭城南多好事
迎濤擊鼓鼙鼙聲
咎時賢太守爲文戒
羣醜莫投不測淵
功與捍塘久至今
俗尚終未遏士女

填街踵相跋
窄輿輕鞞別樣嬌
銀鞍玉絡紛傾奪
我亦羈遊博戲場
一到江干目渺茫
遠看雪捲長空暝
漸作花飛庾嶺霜
疾若轟雷傳百里
去如駿足獵長楊
漁船觸浪直可怖
浪壓船頭只尾露
鶴踏枝翻牽得安
觀者駭汗稱神護
漫道近重九江邊
莫輕走大觀至此
天下無十季寢想
歛慰吾名山巨川
盪曾臆河伯知我
非狂徒君不見燕
雀禍萌在處堂
城門火延池魚殃
達觀久已夷險忘
且欲浮槎大海恣
徜徉

吳山第一峰
謁伍相祠
前宋業味重
露吳人古

南北一家久江山氣槩伸不推偏宋業却重霸吳人古

木甃雲路鄉儻動地塵孤忠猶抱憤絲雨灑衣巾

是日俗有香會

薄暮微雨

岳鄂王墓

勁骨千季在豐枝偃蓋中背銘傳四字心迹貫長虹山

缺誰能踏

王所作滿江紅詞中語

堂封今更隆後來同調士齊唱滿

江紅

西湖紀遊六首

湖心亭

風雨亦空遊浩然來湖上四望水雲重翠屏隱列嶂衰

柳礙葑坡登樓醉眼放

放鶴亭

孤山和靖居也旁有古四賢祠傾圮殆盡其陽瀕隄近構祠宇頗衆

清瀏表裏環孤嶼據絕勝彼美賸空亭雪滿斷行逕何

處東里施捧心不自鏡

蝦蟆山

奇峰眼底開海蟾形不爽塏影倒澄泓素練曳百丈廻

橈湖遠山晚鐘發清響

飛來峰

飛崖何處來上挂剡谿藤誰言欲飛去不信有騫崩動
靜識至道悠悠晤高僧

冷泉亭

秋興信已晚到此四時均石罅鳴寒蟬隔礪榮青椿隆
冬不愛夏三伏不思春

射旭洞

由此而進即一綫天故名
上有元僧蓮伽安鐫佛像

雲竇中敞豁凝眸光正午石鼓木魚聲蓮垂瓣千數造
化直洪鑪何勞試鬼斧

漫興 六言

綠芰稜稜萬頃丹楓縵縵千林漁父荷蓑歸去數錢買

得鸞鉞

浙西人呼
鰕爲鸞鉞

歸途遇雨

面面桃源一水通煙波隨分與人同誰家送酒籃輿客
滿眼移舟箬笠翁楊柳風驚翡翠色蓼花水打杜鵑紅
幾番欲盡登臨興拄杖攜筐興未窮

姑蘇八詠 并引

北遊歸棹既有律陶之作矣嗣是汎吳舫度淞水
疲於風塵而貪於煙雨殊自放也偶從金閶訪爻

過才子亭蓋六如先生之墓在焉因翻集中八詠
原韻率爾學步不自知其筆墨之謏陋也

天平山

登山仰天忘其高扶搖欲上摩重霄三吳雄鎮此為首
羣峰拱翠飛虹橋方言漫比朝天笏杜甫視若兒孫立
我道觀山趣不同一在高原一下溼

姑蘇臺

姑蘇簇簇錦繡城此臺獨擅專城名百萬雄師茶火陣
三千翠裏琉璃屏江雲一片巫雲色反掌吳宮為越國

臺空歌舞付東風賸有寒蛩和促織

百花洲

百花洲上花不開長蘆蔓艸哀鴻來香水錦颿成底事
問花無語空徘徊鬪豔爭妍誰是主魏紫姚黃壓杜宇
一季一度總飄殘相妒何須恨風雨

桃花隴

桃花菴在桃花隴詩畫風流足千古穢垣荒樹亂啼鳥
庭空花落隨風舞誰識江南第一才知音今日廣平來

中丞宋公
建亭題額

名人題目斗杓似六如聲價高三台

響廡廊

內荒誰似吳王甚
虛廊響比裂繒凜
香塵雲繞醉中遊
豔骨魂消長夜歛
貼地傳音雙鳳間
尤物移人見一斑
他日鴟夷同載去
須知吳沼為紅顏

寒山寺

楓橋漫說紅塵路
寒山古寺藏煙霧
維摩習靜掩關淡
門外不聞人迹度
疎鐘響徹本來無
霜天逼曉樹模糊
舉頭忽見西歸月
驚起栖枝萬陣鳥

長洲苑

長洲苑葬長春色
湖畔青青莎州溼
狐宮兔窟尚埋幽
高置迅騎何季集
遊人到苑吹笙和
好聽吳兒唱越歌
編成攜李夫椒事
循環翻覆如流波

洞庭湖

湖入洞庭景已極
倒涵七十二峰碧
披巖橘柚染霜黃
浴日鯨波點鷺白
山澁人靜不知季
洞天妙境誰能傳
偶讀道書思道侶
招尋欲上釣魚船

九日遊九龍山五首

最憶龍山靜
偏逢此日忙
樓船疑戰鼓
夾道却戎裝

提帥

新至 荃店泉沽白官廚豕炙黃明朝千騎會

用權德輿詩

擬作小

重陽

第二泉名舊經過客細嘗品題追陸羽灑翰重 今皇

潔發春膏潤雕闌曉日先璇宮持獻後

駕幸時曾以此泉馳奉 母后

千古

味生香 泉亭

勝地時相引翻疑佛有情竭來皆過客鎔莫見無生月

照方池靜鐘鳴古樹清任他塵土意到此欲何營

惠山寺

為訪名山水名園日日開騷人題罷去浣女笑還來石

瘦谿流響雲淡竹影迴相投能下榻隨意近樓臺

秦園

駐屐沾晨露移舟已夕曛提壺 鳥名 催拉客把酒憶論文

月落空天半香飄靜夜分寤歌誰贈答翻喜倩紅裙

重過江上夏氏南園二首

手擎兒曹問舊遊水灣橋斷徑偏幽十季往事渾如寢

兩度來人豈姓劉最愛竹淡堪避暑不嫌梧落更宜秋

主人若得平原在遮莫歸舟盡日留

時瞻圻姊丈久任寧夏

魚鳧亭子石巉巖畱得桑麻未可芟

鷗汀先生喜課耕織

依州織孃

聲屑屑隔谿田父語誦誦風催流火知更戍鴈到咸陽

待一緘只為懷人長徙倚幾回矯首看松杉

吳中雜詠

滄浪亭

江南二月天飄瓦十日積撥悶苦無時撥幽伺雨隙駕
言欲何之刺舟姑蘇驛僦寓桃花菴看遍菜花陌喧歷
夜未休金鴉乍展翮主人爲予言乘輿理遊屐城南有
佳地新構實古蹟滄浪漁父愛廣陵爰啓闢南園久不
廢長史因卜宅化作蘄王宮復駐詩僧錫俯仰五百季
廢興屢在咎薰風忻南來幕府望咫尺小隊偶一過慨
焉重庀飭木屑捐俸錢子來助擘畫中軒敞三楹魚樂

我亦適自勝乃勝人步碕省跼躅

記亭間所題額

芳艸綴平臺老

樹盤怪石畫舫纏谿邊米家僂登涉賦詩追歐陽作記
準項脊雜沓任遨耍遮道不爾辟微旨却可窺借民登
衽席小儒拂仁風歡喜動顏色

靈巖山

山不在高僊則名水不在深龍則靈夢得此語豈爲謬
何季鑿空煩五丁興慵百里天涯遠得撰良辰恨來晚
艤舟沙岬雨飄絲蠟屐冥按慰我思行行僂指西子洞
盱衡千古興亡時采香響屨箭湖射琉璃滴翠涵空碧

淮南古桂蔭滿庭
樛枝颺入聲泠泠
雲堂粥鼓千人聽
煙光滅沒漁鐙青
來朝續遊倍仔細
激越琴臺快新霽
峰廻徑仄鬱茅蕝
玲瓏嵌空佛螺髻
誰家粉黛紛如麻
冶遊浪說鹿門車
安得虎迹斷俗客
一瓢一笠餐高霞

范公墓

近天
平山

大賢宥食報世世
重明禋憂樂家天下
婚喪子衆人鑿
山知得良望嶽
溯生甲更有停車處
環橋白水鄰
山園從舊築
小景自成文
圍沼長廊曲
當階細草薰晴
光穿偃蓋佳氣散
氤氳聞說松峰頂
高僧卧白雲

法螺菴

次顧子
俠君韻

籬疎徑曲武夷形
况有煙蘿擺月庭
蓮瓣籠紗離火地
桐陰畫幘引茶星
花開別院香先到
目注閒門足未停
何日移家謀小築
葛衣蚤晚聽談經

華山

衆山同培塿
刮眼見千仞
落石變態奇
叢篁宿雨潤
望僊人樓小
住支公峻欲上

上聲

蓮華峰歸雅飛陣陣

虞山絕句十二首

汎舟力疾未須患
雨脚廉纖興轉慳
牽蘿故人陳仲舉

恩恩賺我到虞山

何曾止酒壯心灰權讓劉伶酌淺杯

有疾節飲

一夜蒼茫雲

水瀟盡聲幾部聒如雷

夏木幽禽靜不譁晚風殘照到山家插開秧馬連千畛

一棹橫斜蹴浪花

尚父湖頭暮景幽水田煙雨計銷愁斟來宿酒推篷去

戰罷藏鬪對榻休

陳大道柔白二楚維同止湖田二樂閣

荒墩古樹倚城隈薤艸栽花匠石才博望招賢千載後

何人肯上讀書臺

昭明讀書臺近為憲府新葺門禁不得入

澗從龍破梵宮開騷客多情摻手來萬丈泉聲渾不歇

六朝松雨壘相催

馬大莘宴招遊興福古蹟夜即宿此

海內論交第一倫停雲促席見情真風流磊落爭誇絕

多是攜琴載酒人

單三旬揚歸大松期及弟端士招飲聽旬揚琴

誰將秦嶺巨靈斧劈作琴川兩劒門大米若來應具笏

龍團滌研細評論

拂水騰空天下傳鶴來龜去幾多季詩家蒙容今何在

小憩蘧廬理舊編

天外凝眸極四垂颶風迴起紫瀾時誰將淮海澄珠手

譜入千巖萬壑詞

秦少游望海潮詞

去思石畔幾低徊
虬結雲根爪碧落
上古靈椿堪鬢髮
大季端的遠塵埃

一邱姬仲地神奇
半入城闈半水湄
謾道山靈能變色
陰晴蚤晚總相宜

挽錢湘靈先生二首

驂雲駕鶴渺難回
歲宿重明識本來
三教總持誰繼起

中原文獻自今穉
董狐載筆先先碣

為先大父立傳

李白空尊冷

舊醅

與先伯父論文最契

料到泉臺還執手
荒園淡樹尚悠哉

浣花主爵許追隨
杖屨春風處處宜
雅為憐才收躍冶

何須納贄始稱師
孱顏拂水千秋業

虞山人士為先生立詩文塔於拂水巖

婉戀

微泉一首詩

向候先生於微泉閣荷賜長句

河畔青青踈地柳
依稀醺酒送

行時

丙子春事

再過蔗菴講師三善堂

小橋東畔浣花谿
卉度精蘭許再栖
拭几無塵常對鏡
停驂有路不衝泥
秋英奪盡春英色
玄鳥翻成白鳥啼
珍重高賢佳會處
佛鐙枯照舊畱題

卉晤蔡九霞先生於此見示佛鐙枯照州玄人之句

研堂詩卷三

毗陵楊

維坤

地臣

存管集

安陽山莊

我家小西山茅堂古時築牆頭挂女蘿籬角覆慈竹陰
崖別有天側徑幾迴復想見丁卯橋髣髴子午谷種秫
滿東畦得酒三百斛鄰翁早叩門持筐掇谿蕪共醉雜
諧謔不辨豕與鹿

過長腰山園拜先中丞太僕兩公塋下誌感

行處風光好傷情起故園松楸空自老鳥雀近人喧水
白穿中谷山青逼後軒幾時重振作勿替舊蘋蘩

飛霞閣晚眺

面面雲峰起高臨十畝間
莖牛多病瘵田父輟耕閒
覓菜過荒圃看松得遠山
凭闌春思窄日暮不知還

讀史三首

趙氏孤

嗟哉立孤難孤立程嬰死爲善望報耶立孤事乃已

三閭大夫

受讒生不白愛國死猶淡
骨爛羅江底蛟龍護汝心

卞和

荆山得璞玉兩獻刖雙足
玉出耀人間足斷不復續

詠庭柏

先大叅
手植

管人騎鶴去賸有老虬枝
百尺連雲靄千層蔭碧滋
風來波洶湧月落羽差池
他日盤桓者猶懷樹木時

題松陰相馬圖小照

季來疎放遠風塵樵牧天涯往復頻
自有書囊包萬古獨敲斗笠過三春
山間老馬誰知己松下清風不負人

石堂詩卷三
二
瀟灑衣裳從所好丹青何用染吾真

題花國小齋壁

地僻何須更絕交
畫圖開處結書巢
病仍對月應無恨
貧有花開足解嘲
幾樹高松藏翠羽
一林疎竹引丹苞
自耽埜趣無多望
畚免傷人笑斗筲

種花歌

閒居少塵事種竹亦澆花
疎密識妙理清幽選奇葩
買花不厭遠况復鄰翁家
杖頭錢豈惜願得花滿車
攜歸藥欄曲悠然落日斜
先民有良言寓意在物華
何必登

太行王子共餐霞

過圃翁家觀牡丹戲贈

香風頃刻過
蓬蟲衙彷彿
瑤臺燦曉霞
自有清平傳本調
直將富貴與貧家
玉樓有種成荒艸
金谷無人浪著花
漫說傾城何處覓
只今衰朽伴靈媧

夏日近園小飲

避暑淡堂搖白羽
煙霞散人相爾汝
隔花短策自能攜
出水鮮菱不須煮
冰簟匡牀生晚涼
中庭明月窺書廊
酒酣大笑出門去
直欲披髮凌高岡

午日受人索句

杜門眠永晝隨意踏蒼苔乍接新詩好兼逢舊雨來續
騷清調足競渡錦颿開屈子何爲者千秋只夜臺
集舍弟歛齋中

初月清光小流螢逗捲簾杯浚情未足坐久話頻添茗
出雷鳴苦桃分露井甜論文還勸酒松頂見銀蟾

秋曉

莎雞剛動砌花間此日賓鴻已入關積霧不開連夜雨
流雲如過萬重山料量庭艸誰爭長點檢書籤獨自閒
閉戶且教塵事遠勞勞車馬幾人還

秋日歸自白門撫琴有感

敢將焦尾向人鳴一點僊風指上生記得秣陵明月下
坐聽蕉雨帶秋聲

舟中間笛

十里橫塘楚客遊滿船明月一天秋誰家玉笛聲聲急
吹散寒鴉隔岫愁

有所思

出門訂金蘭閉戶甘苜蓿每懷管鮑交此風難再復一

見傾肝膽轉盼生蛇虺世味久方知不如抱幽獨默默
荒階卉寒芳未盈掬

懷筮江上先生

總角時相見先生氣薄雲座中羅四爻筆下埽千軍煮
石餐朝露開林帶夕曛遙傳松子閣老愛鸞羣

懷夏大瞻圻姊丈

參軍今北去詩興復何如風月誰爲主林泉我獨居詩
畱蕭寺古月墮廢城虛鴻鴈清霜外交情重尺書

上元夕家讌

鐙弄舞影是兒嬉管日含飴尚可思

予自幼撫
於庶祖母

四世還瞻

霜整節一季乍見月圓時甘分紅橘香先透手製烏麻
味自知冉冉韶華三十過鴈行徵逐已遲遲

擬鄧尉撥梅未果

春來凍合滿山谿破萼凝寒齊不齊天漢相逢緣却淺
僊源欲往路終迷星馳驛使還遲寄雪踏詩人且漫題
埜杏園桃都笑徧爭如瓊圃玉爲泥

五日三詠

艾虎

卓午能作威瞥眼同腐艸紛紛苛政徒猶恃多牙爪

蒲劍

誰把大阿青厭此天中節薛燭逢趙高直贖焉能別

鍾馗

鍾君亂毛髮吾亦具髯鬚君死能攫搏吾生受挪揄

閏五日寄道柔二首

那堪鸚鵡鬪機鋒金鼓喧闐節再逢去歲燕山隔一度
好將此日倍還儂

兩番輕棹出如雲好事頻催弔屈文鷗狎一羣偏讓我

龍頭高據却輸君

別時示我罷
龍潭登高詩

喜雨

水氣騰空際池塘漲綠時土花侵路發樹耳赴陰滋漁
唱詩中畫犁眠畫裏詩何勞蘇太守巧作記亭詞

雨六晝夜不絕

獠奴蚤出門褰裳兩足赤歸言市中人坐立架重席魚
價賤如泥薪值騰抵髀敗垣傾略盡甕牖僅存尺最駭
河濱居階除成大澤庭柯且艤舟下牀僂蠟屐兒童多
號嘒雞犬竝跼躅余尚扭處堂聞之心屢擗屈指雨來

研堂詩卷三
時今已六七夕初起片雲黑中有一聲霹仰看屋上烏
須臾噴蜥蜴久乃不爲意大小類潮汐試憶十日舟此
雨真玉液如何蛟螭狂溪闢竟無數又憶十載舟先早
後水積萍翳胡不仁茲復布韞阮農夫隔郊垌甘苦未
得白遙以勢相度爨煙自狼藉東南民力疲恩書頗絡
繹天道善翻覆補苴復何策

久不撫琴新霽抒懷感而有作

春去愁長在神來技僂工乾坤千里外消息七絃中山
葉還凝碧江花轉放紅攜筇嫌徑滑敲枕怨詩窮惠遠
良辰到成連逸興同希聲追大始無語悟將融誰是知
音者檐岿鳥弄風

埜泊二首 六言

稻熟犁翻種密月明犬吠音稀睡鴨未收池上誰家擊
水驚飛

蕩漾青帘隔岼畫橋酷似西湖屋角喬林霞起谿邊斜
柳煙鋪

歲除四絕句

一季幽恨向誰論雪月梅花故故親兒女不知人意嬾

促描金勝貼宜春

守歲團圓又兩巡

去夏歸里
尚未遠遊

圍爐煨芋未曾貧雲屏側立

雙鬟小那作朝雲一輩人

家家媚竈告天忙漫把愁腸當熱腸羨殺淡山無曆日

麟經多事紀春王

秋霖橫溢了無端

省試途
過水厄

何必沙場獨膽寒聞說中官西

向去賀蘭山缺雪中看

哀從姪丙南

燕雲薊月結愁長痛殺吾家十二郎抔土未完生死事

姪以母氏早
喪心病不起

虛名還挂有無鄉十季琴劍身孤影半載鸞

凰窳一場

從父遊京師者十餘季
季已踰冠今春纔婚耳

誰料驪歌成永訣

予客燕將歸
姪來一別

招魂何處問巫陽

耿蘭未報却驚疑天道無常竟至斯海外訛言冤自白

先是從兄有東
坡海外之傳

河西慟哭數偏奇輓郎最慘萍蹤客杯酒難

澆反服時聞說遺娠應可信孝思空有孝思兒

白雲渡放生即事

一泓春水活如環忉利輪迴咫尺間解網曾傳州守孟

唐刺史孟
簡故事

勒銘應有魯公顏空濛綠惹游鱗起潑刺聲隨

漱玉潺湲說此中涵聖澤

用皎然語

詞人幾許托投閒

惜梅二首

莫問春山樹亭花看漸稀
魄柔經日淺骨瘦臘香微
蠟

綴依依在綃裁欵欵飛
羅浮纏曉寤駐屐入巖扉

冒寒狂士興遙憶故人情

去正初旬曾在鄧尉

繞礪疑團雪隨流訝

散瓊有緣牽鼻觀無賴恨
風聲世態天公學誰為療妒

羹

北郭荷亭

半畝塘開北塹偏澄波皎日鬪
娟妍涉江采采徒勞遠

呪鉢生生亦近玄壓倒太華峰
頂色濯清五沃土中鮮

獨憐香水淒涼處不見當季竝
帶蓮

有感近事

紅繡毬

錯認炎精那復猜流珠海畔駕
雲來獨標秋令羣英色

不逐花王頃刻開

白者牡丹同時

蹴鞠場中誰攫得矚瑜席上幾

翻回無香莫似眉山恨取映蘭
陵琥珀杯

秋海棠

秋花的是水金精玉露融脂粉
汗輕有態何須憑月襯

多情偏不為春生濃憎杜宇三
更血澹倩蓮房一樣清

蜀種高枝應起恨恐教子美賦嫌名

賦得餅中早桂

白露團黃雪西山寄一枝

此花來自安陽山莊

銀宮初現影蟾窟欲

攀時斫俗吳剛斧香繁大邑瓷
叵羅金色映茗椀綠沉
滋端好樽斝翫蕭疎畫裏移
未堪籬菊伴揀共海棠攜
先發迎人意孤芳祇自怡
風霜還挺秀續奏小山詞

中秋之夜階斝素芳淺紅爭妍呈豔其如月色
微沉老吟有興繪句無情忽於寢中得起結語
醒時足成一絕兼疊後章

玉手摻摻舞白霓笑他黠女號玄妻
比肩却有爭榮意
醉臉妖姬故故唬

厭說今宵奏羽霓銀宮謫去有窮妻
祇看著雨花真活
巧語佳人莫浪唬

偶成

艸堂清晝永梁燕語喃喃茗煮黃梅水
衣裁白苧衫和
陶今亦古憐杜瘦猶饒昨日翻詩艸
支離半已芟

白華四章

為魏孝子

白華有韞九龍之腰德門有美信陵之苗
父也無祿

叶

母也食藿巢成赤烏哭助雙鶴

榮榮哀鴈獨叫求曹母氏邁疾寤辟心勞我肉可剗我
血可濺天不賜算我戾曷追

勿謂無靈金滕請代勿慮無養元方尚在豈不全而歸
曰予維母之愛

猗與梁谿華寶不纓嗟爾黃巷與德爲鄰坎曾竝表繫
項同旌錫類爾後廣厲惇倫

附變體

題永慕圖

一言至十言
效空同體

嗟永慕孫孝子今人而古賈業而士剗木說丁蘭繪圖
今見此長塗雅便奚囊歲久重加整死幼不逮存兮何
知圖成上膳兮如生矣嗟乎子孫賢否胡不齊赭紫金
黃頰上三毫起君不見什襲塵煤棄如屣

存管集三卷皆研堂三十以前作也昔司馬子長周
游遠覽而成史記蓋得力於二十以外今研堂所歷
不減子長山水文章友朋性命其見之篇咏得力於
三十以前於古人孰勝正恐子長而在重肆力於有
韻之言未可知也聖人臻立境三不朽已在其中餘

事作詩人韓修武已言之矣康熙丙子春日東村弟
胡香昊識

研堂詩卷四

律陶

歸田園居 有引

毗陵 楊 維坤 地臣

曩見謔菴居士有律陶詩黃子虛復廣之爲律陶
纂竝以歸田五章冠諸編首言志也余癸酉南旋
舟次從篋中按得靖節先生集三復之下不覺助
我放懷因欲效顰兩公以誌歸興而得句倍之然
續貂之誚知不免矣

去去當何極久遊戀所生勁風無榮木來鴈有餘聲
淡得固窮節不爲好爵縈息交游閒業庶以善自名

二

微雨洗高林迴飈開我襟稱心固爲好苟得非所欽
汲汲魯中安遙遙沮溺心山川千里外懷古一何深

三

人生似幻化霜露榮悴之少無適俗韻懷此貞秀姿
善惡苟不應巽坎難與期願言詢諸子何事繼塵羈

四

達人解其會歸去來山中飲酒不得足賦詩頗能工
揮盃勸孤影含薰待清風靜念園林好回復遂無窮

五

虛舟縱逸棹寒竹被荒蹊先巢故常在違已詎非迷
中道逢嘉爰季饑感仁妻不眠知夕永東帶候鳴雞

六

崙途當幾許計日望舊居高莽渺無界新疇復應畚
雖無揮金事終返班生廬有志不獲騁委懷在琴書

七

敞廬何必廣州屋八九間有客賞我趣高操非所攀家
為逆旅舍性本愛邱山久在樊籠裏悵悵獨策還

八

江山豈不險風氣亦先寒四時自成歲一心處兩端正
空委運去求我盛季歡嘯傲東軒下余襟良已殫

九

丈夫志四海猛氣充長纓咄咄俗中惡吁嗟身後名青
松冠巖列歸鳥趨林鳴始覺止為善緬焉起淡情

十

今朝直止矣不樂復何如洲渚四緬邈艸木縱橫舒或
有數斗酒頗迴故人車命室攜童弱披榛步荒墟

詠花五首

玉臺凌霞秀荒路曖交通在目皓已潔此林榮且豐養

直衡茅下見別蕭艾中漉我新熟酒

俗用
入酒

含薰待清風

右木香

丹木生何許汎隨清壑迴靈鳳撫雲舞林鳥喜晨開重
離照南陸三四火星積何幽不見燭鄰曲時時來

右石巖

孟夏艸木長薔薇葉已抽了無一可悅固為兒女憂養
色含津氣素標插人頭南窗罕悴物明日非所求

戲語
弱女

右醑醪

新葵鬱北牖中夏貯清陰於今甚可愛過足非所欽落
葉掩長陌凱風負我心雖無九重秀聊用忘華簪

右蜀葵

風來入房戶挹露掇其英清氣澄餘滓夜景湛虛明少
無適俗韻生有高世名不以喻君子寒花徒自榮

右秋蘭

南邱觀禾

以下丁
酉續入

迴澤散游目解顏勸農人茅茨已就治良苗亦懷新歲
月相催逼江湖多賤貧試攜子姪輩從我潁水濱

卜居

了無一可悅心念山澤居量力守故轍新疇復應畬既
耕亦已種少許硬有餘多謝綺與角君情定何如

題照

虛舟縱逸棹浪莽林野娛濁酒聊自適好風與之俱但
餘平生物誰謂形迹拘去去當奚道慨然念黃虞

研堂詩卷四
為兩兒解嘲

俱以病不與省試

久在樊籠裏縱心復何疑弱齡寄事外壯節忽失時天道幽且遠人間良可辭悠悠待秋稼霜露榮悴之

二

落地為兄弟蘭枯柳亦衰榮華誠足貴得失不復知一往便當已長風無息時念之五情熱何事繼塵羈

三

我無騰化術飛鳥相與還常恐霜霰至吾生夢幻間春秋多佳日藥石有時閒命室攜童弱一欣侍溫顏

遲虞山衛霧巖過草堂賞桂

故人賞我趣深谷久應蕪樂與數晨夕慨然念黃虞奇文共欣賞緩帶盡歡娛茲契誰能別關河不可踰

二

皎皎雲間月此林榮且豐觴來為之盡迴復遂無窮擁懷累代下流幻百年中君其愛體素所樂非窳通

日者其歸里約再至不果意其他適故嘲之

東方有一士歸去來山中被褐欣自得荒路暖交通欲留不得住當往志無終善惡苟不應願言躡輕風

有盜而漏網者家人祀神詛之是夜里中良家
子疾革聞半空有聲呼赴某家讎至再答已氣
絕集此紀異

螟蟻恣中田鬼神茫昧然託身已得所來會在何年鷄
鷄豈足恃鍾期信為賢明明上天鑒仲父獻誠言

予草
詛文

贈言

附四卷

喜再晤地臣世丈奉贈

虞山

錢湘靈陸燦

二十餘年奇字居交情中翰倍憐予

令伯中書君
與予交最善

偶然一出

歸思樂

鳥名見元
微之詩

賸有三言海大魚每到花時揮舊淚喜逢

君輩讀遺書雄文似者傳家事會見飄搖薦子虛

地臣道丈過訪見示佳集即次集中諸公稱祝

韻奉贈

長洲

蔡息關方炳

桃花片片逐行塵把袂忻逢上巳辰才擅長卿驚作賦
座慚文舉未留賓春深茂苑吟芳草路接毘陵日去津

却怪蕭蕭風雨夜佛燈枯照草玄人

時寓桃花塢後園繼慈上人處

寄懷二首

西蜀亭猶在門應問字多談經常載酒作賦更徵歌舊

弄盈青史新垣長碧蘿所耽惟筆墨非為愛鳴珂

清風明月際時咏研堂詩愛是才人筆因深舊友思

集中有錢

湘靈邵子括囊新句好種菜可航宜有客來看竹休教下榻

湘二公序遲 適有詩友過毘陵

研堂詩卷五

毗陵 楊 維坤 地臣

括囊集

歲晚邨居四首

涼風起薄莫獨步隴頭西棟枝實纍纍飢烏棲又啼感

彼力田人春作與秋期逢年一不幸所恃竟何為君子

猶固窮餓死不拾遺窮而易其節良媿秋胡妻

中夜苦不寐側耳聞絮語晨興訊何因東鄰鬻其女生

小困飢羸今堪辦炊黍剗肉入豪門為彼弄機杼公私

急追呼其直已有主傳語後來人直盡復何取

積雪快初霽擁褐谿菴翫忽聞扣榜聲鴨陣掠水面掉

竿伎倆精開籠擒縱便墮指下魚罾赤脚耐冰泮走利

縱多方得錢竟無羨悄然告廚孃物命莫看賤

新春壓軟飽胸月挂檐隙報賽依丙舍先疇感舊德邨

農多故人殘梅弔廬側先大叅弔故人詩語農士故相資忘形無畛

域宛然朱陳邨雞犬亦共適鼓腹恣行歌葛天風可即

揆梅和青門葍輩韻六首

自有移情處非關耳目耽熟看僧臘樹虎丘玉蘭堂圓沙老人題有僧臘階前樹之句

數過法螺菴嵐影迷山路花光混雪潭凝寒開未半生

意及時揆

天開圖畫好摹寫在登臨矯掌攀雲客澄心入梵音堂

虛懸鐸小徑曲掩關淡幾點霜枝瘦啁啾攪細禽

一白渺無際吾家山叟多流觀知幾許欲折意如何啜

露貪肥藥停雲愛老柯板輿穿磗入衣袂拂林蘿

勝遊無止境小住有僧房拌仗孤筇健羸來萬斛香睡

餘延冷嗅起早挹清光極目南湖尾蕭蕭煙水茫

詩酒吾曹事無如此會佳惟知長結伴不解憶離家鏡

畔撚鬚靜牆頭落月斜
身軀川在點綴幾棲鴉
吳宮成茂草花駐美人顏
寒月下弦發春風一棹還收
歸吟筆裏畱繫寢魂間
直欲移家住盤遊不待閒

畱別同學諸子

有引

已卯三月將為燕臺之遊
屈指問津茲已三次矣

離緒怱怱詩情冉冉偶成二律
畱別同人敢云伐木之求聲
且作停雲之促席不意珠璣
墨貺殊媿

糠粃在苒分簡流傳編年誌感

董遠公吳道賢潘長卿莊雲湘許在衡孫筠庭肯庭董叔

魚龔衛少家青邨俱有和章

七載滹沱三度過勞勞亭畔復驪歌
途窮已慣秋風客
捧喝何時春寢溲林外早鶯啼欲斷
雨中新柳淚偏多
擔簦躡屨何須恨拋却鷗盟悵若何

羣仙樓上少微星也記吾曾媿半丁

癸酉北征途次與雲間張趾肇周策銘軒三會於羣

仙樓應惜寒花猶爛熳誰溫咎酒又飄零
三春寸草情難割一枕荒雞寢易醒
馬首迢迢頻反顧曉峰殘月佛頭

青

維揚阻雨以舟載車涉淮壘苒韻遣興

雷轟鴉軋幾程過又聽新腔盪槩歌
掠岸沾泥憐燕子

乘潮帶雨逐僧漚故園花發來人少旅館燈殘噩夢多
且喜今朝吟榻穩煙波助我興如何

不于霑塗望遠星僕夫勞苦抵園丁喚晴鳩婦鳴鳴急
點水花鬚剪剪零江左風流誰管領淮陰成敗幾提醒
請看漂母祠邊柳千古空留兩岸青

平原公招飲南園用苒韻垂示仍疊韻奉酬

操縵來從海上過陽春不憖和巴歌詩真無敵千秋祖
心實憐才一片溲醉白堂開金屈滿平泉莊繞翠屏多
懸知綠野閒情寄延領蒼生奈若何

光芒萬丈罨鱗星談笑何緣混白丁鳥狎輕舸歌未散
泉鳴曲渚雨初零不辭夜月留人醉又覺晨鐘喚我醒
竟日已逾歡十日從今長戀鵲峰青

雨後董裕菴席上限韻集字示徐逸人

四野霄光暝天池惱睡龍採茶香正透栽藥意良濃路
滑遲行客園荒促嬾農漫言歸信杳快飲度疎鐘

賦得衆仙同日詠霓裳

七月宗伯桐城張先生黃岡王先生長洲韓先生試士泮科兩制義

後復以義山此句命題限八韻

仙樂聞天上標題賜院中有才皆吐鳳無勇不搏熊譜

借漣羅妙聲傳節度雄清平誇獨步偏陣奏膚公筆底
瑤臺現行間玉女叢榜開崇政殿人出藥珠宮秋實收
何盡春華攬不窮馬蹄風迅處雨露湛恩同

慈仁寺寓齋坐雨

昨夜蛟龍動客居池塘老樹近何如思歸計日常看曆
恨別悲秋怕寄書無語寒蟬貪露咽識時陽鳥候風舒

鱸專九月吾方遂此月偏勞置閨餘是時又七月

除夕二首

饑年驗取向南枝竹實摧殘恨竊脂三友只今元不具

千秋誰起歲寒思

六分春光一分支多愁平子未曾知自從解却征鞍後

雪罨風饕到此時

出東門行與道柔

朝出東郭門莫出東郭門碧陰一帶榆柳邨迤邐數武
僂蕭寺中有故人安經笥故人耽靜辟客來剝啄時時
乘興至館人怪我何息息我非看竹與問松三日不見

病抑鬱雄談萬古開心曾扣角哥者雜行賈炊糜屢時
困五穀若非任好小白賢那拭珠光出塵土誰家兒子

狐白裘烹鯖擗麟同五侯玉鞭銀絡倚微醉飄飄意氣
橫千秋吁嗟天道不可測道之豐者數偏嗇失意八九
事尋常為君屈指一不得似我獲落尤相憐置酒當歌
聊自便擣菹狎獵竝得志牖下矻矻徒窮年君不見樹
梢斜日隴頭月亭午不常圓又缺天公何意判晦明循
環至理何煩說

獨立

獨立閒門外濃陰薄遠天斷雲憑嶂接宿鳥畏人遷似
解括囊義長吟擇木篇沉埋本吾分搔首亦徒然

虞山馬莘叟見過

已矣今交道憑君隻手撐一時車笠誓三世友昆情尊人

丹谷先生與先大參鄉薦同譜莘老下文於予又稱兄弟

野蕩朝雲淡孤颿夜渡清相逢須

小住斗酒話平生

穀雨後五日雲湘道柔道巖筠庭叔魚集花國
牡丹下分賦青蓮萼一種

幾闕華清樂府新此花猶屬謫仙人絳幃深簇千層錦
丹竈初開百鍊銀漫把傾城託浮友欲將富貴作清貧
只愁騷客渾無賴驗取為裳學楚臣

新竹

月落千尋未許題小軒深處一叢低粉披園子勤將護
籜散兒童任笑啼寧可駢頭還帶密縱教離立恐難齊
懸知勁節疎風在不是撩人桃李蹊

渥丹

看到君顏便不同飛來赤羽翠煙籠竝頭嫩蒂傳燒燭
瀝血芳心驗守宮粉髀偏能添艷色竹欄端爲怕輕風
誰將勾漏仙翁術壓倒江南四大紅

四月十四夜夢中得句輒於枕上足成一首

輕颺淡靄月微茫痛飲還期夏夜長架上書光常歷錄
石邊花事已郎當豈無童子知詩史賴有鄰翁作釀王
醒醉古今同一夢繭蠶巢燕總忙忙

競渡詞九章

棟葉縈絲下急湍羅江此日淚闌干可憐憑弔淒涼事
翻作兒童戲具看

出門都向白雲尖蜨亂鷗閒此地兼最是小樓開一角
有人含睇倚湘簾

花花巧扇正宜時水透冰肌怯不支只有健兒貪喝采

石堂言卷五
拌將濡首賭雄雌
凌波作隊試羅衣
水馬鳧車駛似飛
未卜錦標誰到手
流連故意唱將歸
檀槽夾岸賽梨園
半晌停歌爲衆喧
快覓綠楊邨裏去
細聽幽調兩三番
蒲縷浮香酹一觴
騷人也逐女兒忙
羞他鬪草非豪舉
拇陣狂呼我擅場

食標收將晚渡邊
餘音風送尚譁然
吳儂好事輕生慣
回首春燈又半年
上元俗以龍燈角勝

銀燭紅妝水面浮
分明水底有瓊樓
那堪傳贈傷心句

當路相持抵死休

用文苑英華競渡歌語

眼弄行樂轉生愁
新繭三眠麥小秋
勝會排家爭合錦
比來吾俗像蘇州

即事

塵事擾何極
幽情閒有餘
架巢迎燕子
秉燭飲花魚
水愛一泓靜
星看四映虛
兒童偏好弄
螢火撲階除

不憚計同叔
魚晚步觀荷二首

我友洒然至
乘涼覓小娛
短橋穿樹隙
曲沼帶城隅
花

斂猶飄馥房敲始見鬚解衣聊徙倚恰與好風俱

水榭信悠哉鳧舟往復迴得錢拌藥折無酒負花開梧

月饒牽興蒲風莫浪催主人能結客日日兩顛來

董與子
竝顛

初秋懷錢亮功遙同追和昌黎短檠歌韻

長安客枕秋癡長明河洗出山月光商聲西來動萬籟

阿婦砧急心悲涼婦有密意寄鍼線君家生事仗筆牀

屈指辭家十載客年年藉口金門策去秋豹炳見一斑

幸得歸來頭未白丈夫奮翮自無苒那肯北牖白日眠

竊比漢宮爭寵恣沉香髻新遠山翠鬢人姊召便登車

縱題秋扇誰能棄

原詩意頗不平
就其語解之

七夕露坐讀東坡集僂用濠州七絕韻口占

玉宇風清萬象分月明河澹影猶存市司占價真癡絕

女隸穿鍼也不邛

檢校庭苒春草衰自傷何日寢金龜

劉贊
事

人間巧盡無從

乞浪過蜘蛛合網時

腹中錦繡尚沉埋擯鼻由他不掩骸試問今朝南北阮

誰能盡免俗人懷

佳期曾不爽錙銖人笑天仙巧不如必待鵲橋方得渡

臨河應羨比行魚

一天秋老淨無痕
驀地催詩起片雲
夜半臨岐應灑淚

未須永訣似湘君

攤書月帳掩柴荆
髣髴當年擇勝亭
鐙炧筆枯聊就枕

何人來召草新銘

生生世世誓唐宮
私語誰知牛女通
歎惜馬嵬分手後

因緣天上總成空

瞻圻姊丈罷官夏州者三年矣魚鴈杳然近耗

頗惡值兒曹就試過訊其家感舊懷人為作是

詩

羈臣嶺外沉冤獄
愁客江頭涉畏途
棹趁晚潮今視昔

攜來雛燕姪從姑
風塵我本憂兄早
急難君還有弟無

感其家事話到不堪追憶處
撫膺翹首一號呼

江上寓齋有紫薇一株乃在庖側頗為爨煙所

苦對之憮然偶邀同人小集與章四聖可董二

叔魚分拈紫薇花三字為韻得花字

咎賢重求友不遠天一涯
胡為百里中心邇
迹則遐挈

舟來蓉江佳會良非賒
酌酒起卓午忽忽成鼓搥
槃礴

猶內熱趣破東陵瓜
摻手步空庭
虛側有奇葩
頰頰疑含羞
膚嫩嫌搔爬
偏喜近翳郎
爛若標城霞
清賞曾幾時
敗絮紛枝丫
俗稱百日紅
茲同頃刻花
冥濛毒霧羃
晨夕廚煙加
託根非其宜
令我長咨嗟

九日和東坡九日黃樓韻

重陽風雨真何說
畢竟秋光厭花發
約看黃菊向西郊
行不得時泥滑滑
家園隨分是遨頭
省辦芒屨與布鞵
烹鮮正有紫螯持
拉客齊將火龍呷
拇陣循環卷白波
沉酣拌荷劉伶鍤
我輩忘形任不羈
世人作意早欲殺

有客罵座

覆雨翻雲在霎時
靦焉人面成羅刹
浩揭乾坤一

旅郵紛紛徒爾相
磨軋康莊塵裏玉
驄馳玲瓏轡首金
環壓眼弄多少
英雄人彈指頭童
兼齒齷幻化須叅
雪上鴻悠閒爭及
波心鴨欲樂不樂
可奈何還駕松舟
遍茗雪

重過虞山訪王石谷

王子別去三十年
竹林無主誰賓賢

壬子秋石谷偕篁江上先生下榻予家近園江上有一林

瘦竹可賓賢之句先大叅即世遂不復至

今日重新見岸幘
老筆依舊凌飛仙
授經

小子顙如戟

高弟楊子鶴為先大叅寫授經圖侍立者即予也時方髫齡

學道狂夫貌似禪

茲以道裝

小照屬石
谷補圖

記得近園葺事否漏深三鼓尚譚玄

見江上跋
近園記後

登昭明讀書臺

書淫石癖夙因緣最是蕭家雅性偏老樹風生吟几下
好山雲繞筆牀葺學追言氏應多韻文比巫咸倍有傳
此地等閒題不得恐驚博望又招賢

集歸端士高齋喜晤吳江張損持太史并憶葺

年席上曾漢瞻歸松其馬莘叟單甸揚諸君子

琴川才藪每句留雅會欣逢第一流盤列尊鱸秋後饌

杯滾霜月夜分籌詩逋隔歲情難補前度見雷信宿
未得一語酬贈遊券明

朝興未休無那揆幽苦泥濘為君擬泛雪中舟

松其再訂
登山以雨

甚未
果

挽內兄孫師儉兼哀令嗣西崑二首

蒹葭久倚廿年來促席傾懷不用猜長者至君無間矣
後生舍爾賴誰哉百年強半堪行樂二豎相尋劇可哀
更有一椿驚愴事泉臺顏路泣顏回

晝夜一週同永訣

次日西
崑即逝

宗祧兩世只遺孤

殮時次君東
岡新齋迭服

若論

天道然乎否乍聽人傳信也無勤讀父書頻囑付莫違
慈教共撐扶瓣香致語君須慰來歲舍飴有鳳雛

池上課女得句率爾足成

一卷楞嚴秋恨除

舒王和女詩語

那知揆景勝觀書垂雲似網鷲

飛鴈落月如鉤駭戲魚重發梅枝橫石瘦尚餘蘚暈入

簾疎家貧未辦西池約風雨誰憐到敝廬

荆公夫人詩話

二君詠

有引

予性喜任真自得上下二千載無如靖節先生者

東坡有言孔疾微生孟譏仲子惡其不情也淵明

仕隱飢飽各得今古稱賢貴其真也又自述和陶

詩云欲以晚節師範淵明萬一予竊謂士各從性

之所近矧在賢者豈前後異轍強自牽合要是松

筠貞性至老愈見耳陶就省曠蘇歷夸險其真則

一也予因手披兩先生遺集與緒偶會作二君詠

陶彭澤潛

陶君非石隱詎為督郵決仕止適當可樂天孔顏轍客

來具雞黍飢則食可乞粟里既欣然江州何用絕緬懷

洗耳風嗤彼巢由拙任真無所先生曾自述

蘇端明軼

海外羈顛蘇果爾命磨蝎超然忘得喪自謂高晚節人

生天地間豈徒尚委蛻叶所以餐霞人往往成痼疾涉

盡世崎嶇方是真禪悅觀其寄子由當弄鋒莫遏和子由苦寒詩語

故我返自然追悔亦饒舌斯人獲我心軼事猶堪揭一

日訪友歸吠笑爭相聒笠屐配籃輿千古風流絕西齋

種樹贈邱叟

種樹至理存疏密高亞稱些景具大觀乾坤一手定重

生郭橐駝養樹識樹性古榦刷繁枝屈曲惟所命翦伐

斟酌施著意護苞孕敲斜樵畫圖參差襯石磴訂頑別

樣妍點鐵仙工勝若非老於斯顛倒成齷齪一境一鼓

掌自詭還自佞奇情妙天然萬化總生心叶會當白雨

時倦眼歛為醒

追和東坡贈寫真何克秀才韻贈寫笠屐圖鈕

璞

君不見籠鳥流光激如電百刻銅壺促銀箭又不見斷

鼇立極亦偶然未幾海溼翻邱山及今駐顏憑妙手虎

頭道子伯仲間知君不貌風塵物却喜雙清我心跡畫

成比鏡更分明指認滿堂人適適于思笠屐野夫容猶

憶唐寅卷軸中予家舊有東坡笠屐圖為六如真蹟今已淪落世人競愛寫褒鄂何苦

著意撫蘇公

庚辰生日題石谷補圖小照

雲山儘可著吾身莫怪儒冠混道巾
却藉王維摹巧句平頭剛半古稀人

矯掌松間挹曉霞蓬萊北鬪洛陽花
向誰收拾奚囊去千古知音一伯牙

臘月大雪彌旬次昌黎辛卯年雪韻

殘臘距春近候鴈向北歸元冥逞威戰
東帝不解圍鱗鱗屋瓦膠颯颯牕紙飛
豐隆棄砲車封姨扇靈旂雪花三尺強
哀此懸鶉衣或設火陣座或擁肉屏妃
蒼翁胡不齊中費衡者機我有煖肚瓶
獨抱覺已非安得稚川術滿屋歡庶幾
客來勸新醪朝暎力尚微

研堂詩卷六

飴庭集

述哀三十首

有引

毗陵

楊

維坤

地臣

余生甫彌月先王父大叅公命小字曰飴孫即屬
 庶祖母趙孺人撫育相依為命者三十六年辛巳
 上元後七日奄忽見背嗚呼逮存之養已休他生
 之報未卜又格於制止行義服心喪呼天搶地抱
 恨安窮苦塊以來輟絃誦者久之既而復念分力

微薄不敢輒邀當世大人長者遂成狀誌銘傳又
重懼先德之不彰也瀝血和墨書斷句若干首荒
迷失次何復成聲聊存梗概以示後人云爾

飛雲入夢愧非材

余誕生前夕母孺人夢飛雲降庭

彌月含飴襁抱來三十六

年已往事一番提起一番哀

每澡盤中手護持便為續命繫長絲於今篋裏依然在
反哺曾無百歲芝

兒時薄命患常侵痘疹艱危痛母心漫說命名同百藥

李百藥少多病其祖母趙氏故以百藥命名

還將神術驗三壬

自從我祖騎箕去門戶清嚴賴主持茹雪餐霜循分事
莫教小子溺朋私

記得成童就傅時脫簪減膳奉名師兒成學問無賒望
爾祖歡心或有知

娶婦勞心累北堂千般取識信荒唐為言中饋如堪托
不枉前人囑未亡

愛孫如子不須論孫又生兒愛豕孫梨栗時傾長袖與
衾裯頻喚小鬟溫

生兒愚鈍可無憂災難偏煩阿母愁笑說天花爾父樣

劬勞我合有零頭

婚嫁由來攪寸腸又為穉子結鸞凰崔家孝乳嗟何及
苦種藍田枉自傷

不才苦向網羅投割捨春暉作遠遊密線縫衣三致語
臨岐欲語淚先流

天中令節好稱觥努力秋風勅早行假借斜川非得已

報劉慚愧讀陳情

已卯端節為孺人六表以當大比促予束裝北去予不得已開歲五日預壽

家園果稻餽天香策蹇頻年滯帝鄉幸有羣雛能繞膝

又勞母氏細分張

中秋節予每以試事不能侍膝下孺人以果餅給予兒女必均

北轍南轅幾度馳倚閭長望悵歸遲杜羔傍晚羞妻子
慰我慈顏說待時

年來株守緊相依寸草輸忱望古稀誰料雲驂催太速
蓮臺無路可重歸

平生信佛佛何靈儉德應教享大齡豈是涅槃須淨盡
人間煙火視浮萍

見說禪機不忍聞果然三昧耳邊焚

孺人自以病為佛魔不仗藥力臨逝時耳輪有火三現

牽裾總失西來意撒手何拚骨肉分

屬纊摩挲我項髭最傷追記始生時相親小物還依戀

哽咽丁寧飲喜兒

孺人愛貓
名曰喜兒

獸炭頻添昨夜長幅巾新製尚支牀移來慘作依魂帛
無復圍爐再舉觴

疇昔庭花應候妍拈來便供法王前初喪恰有梅花放
折向靈筵可見憐

寒食正逢喪五七蕭蕭總帳火新青人言溢米非今制
細剔孤檠訂禮經

佛誕年年貝葉開老尼敦請鄉晨來招魂一座今空設
曾否輕軒到月臺

結念靈山飯十方彌留叮囑莫相忘生辰百日聊酬願

不是延生喜道場

百日恰近生忌遵
遺言於鄧尉設齋

盃蘭盆供俗相延七祖堂前廣一筵堪詫夢中來老嫗

似隨吾母覓餘涎

有一老嫗久侍孺人年逾九十七幾十載矣昨
忽入夢向予作乞食狀予為設小食於靈側

彈指又將長至日平頭已半古稀年從今湯餅休高會

安得長齋禱佛前

十一月七日子誕辰也孺人斷葷戒酒
垂三十年每過兒孫生日必為禱告

病婦何堪家累重小樓經案盡塵封昨宵月暗三更夢
似恨非嗔告阿儂

小結蘧廬為奉先范家硯子祖孫傳如今母去畱遺澤

一串菩提更黯然

回首青衫淚已盈躑躅白馬倍傷情
友人京邸致書趣予北遊予以大故却之 飴庭

此日嗟孺子硯北多年號老生
予近圖其石曰研堂老生飴庭孺子

卜兆西郊氣鬱然鬪封準擬歲寒邊陰陽詎擇渾多事

負罪愆期動一年
葬期未定故云

生則承歡死侍焉他年未許更新阡
勅子孫必葬予於孺人之側 半生總

是嗟虛度何似相從到九泉

疾革經營大歇龕殷勤囑付作詩鐫當日却愁難著筆

兒今有句向誰傳

予自飴庭讀禮以來一切聲律之事率屏不與

吾友陳君道柔來謂曰子之義服有間矣詩戒

奚數數為昔東坡先生流寓吾常而卒常之人

士至今思之七月二十八日乃其山頹木壞之

辰也其今歲下榻處實先生雲溪舊館其將以

是日偕諸同人用第二泉陽羨茗蘭陵酒笠澤

魚祀先生於洗硯池邊賦詩紀事子其為東坡

先生破例可乎予敬諾焉限賦眉山二韻

眉字

鳩摩一笑坦歸時

先生答徑山維琳問疾偈有云平生笑羅什神呪真浪出蓋絕筆也

囊括平生幾

許詞萬斛源泉流未歇半輪秋月黯相思燭燒池上紅

妝香

硯池畔舊有香海棠一株今萎矣

淚灑風前翠篠知

此地舊有修竹數竿

此日季常槃敦

好如逢故友定開眉

山字

逐客飄零湖海間到頭高卧白雲閒直將峽水看溪水

何必家山定蜀山萬日已三驚電往百年經六恍生還

先生以建中靖國元年辛巳卒今歲辛巳恰十週甲子矣

蘭陵自此添詩柄說與千秋未許

刪

送家青村補令新昌次畱別原用坡公韻二章

其次章之末并道所以破例作詩之故云

西江父老一盃水至今俎豆歌彼美福曜何偏屬此邦

瑞芝亭又迓吾子憶昔吾祖秉玉尺既乃叔父集珠履

一方夙稔四知風吾生雖晚事在耳阿兄幾處領花封

才綽烹鮮非百里忽傳帶綬過家園相期促席我心喜

此行君事未許攀旬日淹畱只彈指秋風桂酒送君行

春草池塘還夢爾

原送江公著知吉州韻

吾家詩派疑專門前有野客

即誠齋

今青村涪翁劔南已爛

熟直湖髯老窺其源東軒對牀舊蹟在清詞麗句絲縲
盆流花翠樾惟卧治何有錯節兼盤根只今擊鉢先發
軔迭和應起蘇二昆贈處古義積老蒼管蒯無棄爰及
坤向隅未敢與謹笑願借赫蹏進一言我翁爾考有遺
愛脩廢舉墜躋平聲義軒原介亭餞楊次公韻

聞虞山王石谷將至有感次筮江上先生韻題

雪山圖

石谷為先
大父作

頻年雲水為誰忙醉墨揮天老更狂還憶近園東道否

右丞手蹟在崑岡

方邵村先生步筮韻題有
片片風吹玉作岡之句

挽毛匏村

可航

齋名

風雨鴈來時賦罷高人種菜詩發軫漫分南北

地

其南遊時
予適北去

迴旌誰料死生期十年縞帶憐飄梗一卷珠江

其遺
集名

歎累絲最是欵歛行路者孖生燕子羽差池

別時始舉
一子一女

哭董叔魚二首

玉樓遙賦殉才名強半吟詩喪此生切切梅坪窗下語

勞勞江館月中行

曾同寓江上吟
詠夜分不輟

和凝屬我彌畱事

十日前以梅坪
集屬予校字

張老遲君空谷聲

硯堂成約以病起
見過竟不克至

自此竹林交已絕幾人還

憶酒壚情

况是同生丙午年用文潞公句年來擬集洛中筵三杯酒未壽

文老一盞羹先薦廣川何日憑欄開笑口誰人把袂簇

吟肩名山大業應無愧只痛傳家少象賢

洗硯池祀蘇題補作

石堂詩卷六

築堂名硯堂吾意別有以畜硯硯有銘我愛眉山氏今
秋堂適成我友祀蘇始公從陽羨來冉冉溪雲起假館
有遺蹤乞居徵信史古橋東北偏手澤猶存此龍尾寄
小坡衰年信知止寓意不留意游戲石鄉裏此品貴潔
清呼童掬新水偶趁一石盞遂以墨池擬鈍靜能永年

兩石同一理寶者隨人化頑者存舊址度廣兼測深羣
賢論娓娓予為蔽一言物以人重耳我堂亦貯硯硯北
亦有池敢學老髯語瀾翻無所施蘇着子硯歌有云千偈瀾翻無一語

硯堂成用少陵堂成韻

牽蘿新補舊時茅不薄先廬慕樂郊徑別人間花一谷
風清客少竹千梢祇堪書卷螢燈地豈為兒孫鵲印巢
丹雘雕鏤都不事幽栖一任俗人嘲

讀書硯堂兩壘前韻

卜居何用索萸茅小變蒙籠異孟郊照席寒檠落花燼

隔牆春月上梅梢書移舊架還依帙燕愛新梁未忍巢
從此日長堪靜坐不知門外有呵嘲

掩關一掃此心茅未許偷閒屨步郊小有月明鶻鳥血

旁有斗室題曰小
有天栽杜鵑一本

蓬萊煙繞杏花梢

中懸石谷所圖
蓬萊春曉小影

茶鐺藥竈為

行李薤簞藜牀是我巢懶性邊韶差擬得偶然攤飯不

須嘲

諸生康遜五年丙午生乾隆十
年乙丑年八十尚存



